

16

16


16


16

216

Ex Libris
JOHN LANDWEHR
Voorschoten









MANIEMENT D'ARMES
D'ARQUEBUSES, MOUSQVETZ,
ET PIQVES.

EN CONFORMITE DE L'ORDRE DE
Monseigneur le Prince Maurice, Prince
d'Orange, Comte de Nalsau & Gouver-
neur et Capitain General de Geldres,
Hollande, Zeelande, Utrecht,
Overyssel &c.


REPRESENTE PAR FIGURES, PAR
Jaques De Cherin.

Ensemble les enseignemens par escrit
Nécessaire de tous amateurs des armes, et aussi
pour tous Capitaines & commandeurs, pour par ceoy
pouvoir plus facilement enseigner a leurs soldatz
inexpermentez, l'entier et parfait maniement dicelles armes.
Imprime a Amsterdam chez Robert de Baudous, avec
Privilege de l'Empereur, du Roy de France, &
des Nobles & Puissans Seigneurs Mes-
seigneurs les Estatz generaube
des Provinces Unies.

1608

Illustrissimo Principi, maximo duci, Mauritio
Nassavio Pr Araul. copiarum Federati Belgii
imperatorii, disciplinae militaris parenti has excu-
tae ab ipso armaturae effigies salutaris cura
monumentum, dicabat Iacobus Geinius.

On les vend aussi a Amsterdam chez Henry Laurens.



NESEIGNEMENT BRIEF ET SVCCINT SVR LES PORTRAITS FIGVRES, TOCHANT

l'usage, de tout ce qu'un Soldat doit faire au maniement de la Pique, pour les jeunes Soldatz & inexperimentez, lequel se pourfuit par ordre, & correspondt sur chacune figure.

LA PIQVE.



Ns'exerceant es piques, est monstre premierelement au Soldat comme estant debout, en ordre il tiendra bien la Pique deuant soy, la conduira contre le poulce, & en trois temps, la portera droite ou vers hault sauoir est, que (pour la bienſeance) il ne posera point la Pique au dehors, ny au dedens du piedt droit, mais sur la mesme ligne, sans que toutesfois, il soit tenu (demeurant debout) d'auoir tousiours le piedt droit auance, il tiendra le bras non trop esgaré mais quelque peu plié, & la main a la haulteur de la veue.

2. Comme a la premiere reprise, il leuera la Pique quelque peu arriere de terre avec la main droite, & l'empoignera soudainement, vers le bas avec la main gauche, laissant dessousz telle longueur quil y puisse auendre, ou toucher la reprenant de la main droite, ainsi que se voidt, par ceste figure.

3. A la deuxiesme reprise il leuera la Pique, de la main gauche, & l'empoignera promptement, au bout d'enbas avec la main droite.

4. Et a la troisieme reprise ayant (de la main gauche) porte la Pique, contre le bras droit, il la prendra de la main droite, la rengera contre le mesme bras, & la portera droite ou hault.

5. Comme ayant porté la Pique droite en trois temps, fault quil la remette de mesme en terre, sauoir, il laissera couler quelque peu la main droite, vers bas avec la Pique, & la reprendre vers hault pour la premiere fois de la main gauche, comme demonstre la presente figure.

6. Pour faire la deuxiesme reprise, laissera aussi couler la Pique, ensemble avec la main gauche, & de la droite, la reprendra soudainement plus hault, comme l'enseigne ce portrait.

7. A la troisieme reprise, conduira la Pique, de la main droite seulement, & comme il est dit en la premiere figure, la replantera en terre, & la voulant mettre sur l'espaule le fera en trois temps comme s'ensuyt.

8. Pour la premiere reprise, ayant la Pique en la main droite contre le poulce, la laissera quelque peu tomber en arriere, & soudainement l'empoignera a bas de la main gauche, tout ioignant la droite, comme se voidt icy representé.

9. A la deuxiesme portant la Pique en auant avec la main gauche, l'empoignera, promptement en arriere, de la droite, pour la mettre ainsi proprement sur l'espaule.

10. Et a la troisieme reprise portant la Pique platte sur l'espaule, il tiendra le bras droit sur hault, le poulce contre la Pique, pour ce que cela est (non seulement bien ſeant) mais aussi que par ce moyen il la peut miex regir, & porter.

11. Comme il portera la pique debais, a fin que (marchant en troupe serée) on ne s'entre offense de la pointe. Es figure suyuanes se monstrera, comme portant la Pique platte, ou debais, il la fault en trois temps laisser couler quand on la veut presenter, ou baisser passint vne porte, ou autrement, aussi comme il la fault planter en terre, en trois temps. Et la voulant mettre derechef sur l'espaule fault (comme il est desia monstre) le faire en trois temps, mais si on porte la Pique droit, il la fault brisser, ou presenter en vn seul temps, & de mesme la reporter droite.

12. A la premiere reprise de leuement, prendra la pique promptement, aussi auant quil pourra auendre, ou toucher (estant debout ou ferme) de la main gauche, la leuant de la droite egallement, de dessus l'espaule en hault, pour la presenter commodement la poiate en auant.

13. A la deuxiesme reprise, ayant desia présenté la pointe de la pique en auant, il la prendra de la main droite, au bout d'enbas, & ainsi (avec commodite) la laissera couler de hault en bas, pour ainsi pouoir passer par la porte.

14. Et a la troisieme laissant couler la Pique commodement, estendra le bras droit, empoignera bien fort la Pique, mettant le coude gauche contre la hanche fermement, cy apres sera monstre, comme en trois temps il faudra replanter, ou poser la Pique en terre.

15. Comme

15. Comme a la premiere reprise, il pouffera le derriere de la Pique vers bas avec la main droite, pour ainsi la faire hauffer commodement par le deuant.

16. A le deuxiesme, il prendra la Pique de la main droite, par dessus la gauche, aussi loing que bonnement il pourra toucher.

17. Et pour la troisieme, remettra la Pique en terre, la rengera contre le daulte, la tenant bien, comme il est dit a la premiere figure, aux deux suyantes, fera monstre, comme portant la Pique droite, il la baiffera, ou presentera en vn seul temps. Et pour ce qu'aux precedentes figures, il est assez montré, comme la Pique estant plantée, on la reportera haulte en trois temps, il a semble impertinent de le representer de rechef icy, seulement se remet en memorie.

18. Ayant leué le Pique en trois temps, & prise au bout d'enbas de la main droite, ainsi qu'a este montré cydeuant, il la fault ranger contre le mesme bras.

19. Comme ayant porte la Pique haulte, il la prendra plus hault de la main gauche, & la portera en vn temps, & la voulant pranter, cela se fera en la sorte qu'il est montré par les precedentes representations, mais ayant baissé ou présenté la Pique, s'il la veult reporter hault, cela se fera en vn seul temps.

20. Comme estant en garde, a vne porte, a l'entrée, ou sortie de quelques gens, tiendra la Pique a la pointe, ainsi que se voidt icy representé.

21. Comme il portera la Pique en trainant, la tenant prez de la pointe, ferrera la main ferme contre le corps par dessus la hanche & la voulant presenter, ou porter d'autre sorte, il fault qu'il se face l'empoignant a reprises on palmiant comme les deux portuaiz suyans le monstrent.

22. A la premiere reprise, ayant premierement de la main droite, pouffé la Pique en auant aussi loing qu'il pourra il la rempoignera de la main gauche, par cessous pour l'auancer de mesme.

23. Comme palmiant ou auanceant la Pique de la main gauche, il la pouffera plus en auant, & la main droite qui estoit deuant il le tiendra preste, pour la reportera en arriere.

24. Comme ayant auance toute la Pique, en palmiant, & la tenant ferme, il la presentera, mais en cas qu'il la veuille encor porter en trainant, il fault qu'il la retourne, en arriere la palmiant comme dessus. Et est a remarquer, qu'encor qu'ainsi soit qu'on n'ayt icy po cé que deux figures, & que par cela on pourroit presumer, qu'il fault droit (en palmiant) presenter la Pique jultement en trois temps, s'en est toutes fois nostre intencion, ains la fault tant & si souuent reprendre, en conformité desdites deux figures, qu'onayt attainé le bout, avec la main droite.

25. Comme pour attendre vn Ganailliar, il posera la Pique contre le piedt droit, & d'un chemin tirera son espee, par en dehors du bras gauche, comme le demonstre ceste figure,

26. Comme en marchant avec la Pique sur l'espaule, il pourra (au befoing) se tourner, vers le coste gauche, & presenter la Pique en arriere, en trois temps.

27. A la premiere reprise, ayant leué la Pique en hault avec la main droite, de dessus l'espaule, il la prendra egallement de la main gauche, afin qu'il la puisse commodement leuer, par dessus la teste.

28. Ayant la Pique au dessus de la teste, en la main gauche, s'estant de la tourné, vers le coste gauche, il l'empoignera au bout avec la main droite pour la deuxiesme.

29. Et comme il est dit, pour la troisieme fois, il presentera la Pique en arriere, & se tiendra ferme, estant entierement tourné, les trois figures suyantes, monstrent, comme il se remet, & marchera ainsi qu'a este veu par le 26. portrait.

30. A la premiere reprise de ce manient, il prendra la Pique de la main gauche, le plus loing qu'il pourra s'aprestant pour retourner.

31. S'estant retourné vers le coste droit, leuera la Pique de la main gauche, par dessus la teste & la prendra & receura (en arriere) de la main droite.

32. A la troisieme fois, il reprendra la Pique en la main droite, & la posant sur l'espaule, la portera plate, debais, ou droite, selon la necessite.

Et comme il se trouue, que le Soldat ne peut promptement & bien replanter ou mettre bas la Pique, sans l'experience dela scauoir bien manier & reprendre, pour l'esclaireffement de cecy, sont ordonnez certains mots de commandement avec leurs temps de reprises, qui correspondent en suite sur les figures, a fin que les Capitaines puissent faire apprendre a leurs jeunes Soldatz & inexperimentz, ce maniemment dela Pique autant qu'ils en auront de besoing, mais ayant l'experience, le Soldat sera exercé, par les motz de commandement cy apres mis à part, & sans temps.

Motz de Commandement

Auec leurs temps de reprises,

1. La Pique estant plantée, portez la hault en trois temps.

2. Le premier }
3. Le second } Temps.
4. Le troisieme }

Remettez, ou plantez la Pique.

5. Le premier }
6. Le second } Temps.
7. Le troisieme }

Mettez la Pique sur l'espaule & la portez plate.

8. Le premier }
9. Le second } Temps.
10. Le troisieme }

11. Portez la Pique debiais.

Baïffez ou presentez la Pique par la porte.

12. Le premier }
13. Le second } Temps.
14. Le troisieme }

Remettez ou plantez la Pique.

15. Le premier }
16. Le second } Temps.
17. Le troisieme }

Portez la Pique hault en trois temps.

18. Ces trois temps n'ont qu'une figure marquée nombre.
19. pour ce que les deux autres sont monstrez cydeuant.

Baïffez ou presentez la Pique en vn temps.

19. Vn seul temps

20. Preuez la Pique à la pointe.

21. Traînez la Pique &.

Presentez la Pique en palmiant.

22. Il n'est besoing d'observer cecy.

23. En trois temps, comme se monstre.

24. Par l'enseignement nombre 24.

25. Posez la Pique contre le pied droit, & tirez l'espee.

26. Ayant la pique sur l'espaule, presentez la en arriere
trois temps.

27. Le premier }
28. Le second } Temps.
29. Le troisieme }

Remettez vous à droite, & portez la Pique debiais.

30. Le premier }
31. Le second } Temps.
32. Le troisieme }

Motz de Commandement suyuant quoy les Capitaines feront exercer leurs Soldatz, quand ils

auront attain la science du maniemment dela Pique. Et fault entendre que pour tenir ordre, on a fait suyure ces motz sur les figure autant qu'il est besoing, referué acunes, qui au remettre des Piques, font la mesme chose, qu'est representée par les figures avec leurs temps. Aussi q'uau premier commandement on a dit, portez la Pique hault, cela parle a la premiere figure estant en bataille ferme avec la Pique plantée, & pour euitier toute confuson, fault prendre garde, que chacune facon de porter ou presenter la Pique, doit estre entierement acheuée, & la Pique derechef plantée, ou mise bas, auant en embrasser d'autre, & a ceste fin on viera de ce commandement General.

Remettez ou plantez la Pique.

Motz de commandement, sans temps de reprises.

Portez la Pique hault.

Remettez ou plantez la Pique.

Mettez la Pique sur l'espaule.

Portez la Pique plate.

Portez la Pique debiais.

Baïffez, ou presentez la Pique par la porte.

Remettez, ou plantez la Pique.

Portez la Pique hault.

Baïffez ou presentez la pique.

Remettez ou plantez la pique.

Prenez la pique à la pointe.

Remettez ou plantez la pique.

Traînez la pique.

Baïffez ou presentez la pique.

Remettez ou plantez la pique.

Posez la Pique contre le piedt droit, & tires l'espee.

Remettez ou plantez la pique.

Mettez la Pique sur l'espaule.

Baïffez ou presentez la Pique en arriere.

Remettez vous à droite.

Portez la Pique debiais ou platte.

Encor

Encor qu'ainsi soit que ces Motz de commandement s'entresuyuent ainsi l'un l'autre, pour ce qu'il fault à chaque fois, remettre ou planter la Pique, pour quoy on presumeront que le soldat auroit plustost pris le manient d'icelle, nostre intention n'est point, toutes fois, qu'on s'il s'en attache a cest ordre, que lon ne puisse, soit par le milieu ou autrement, commencer à faire les commandementz, aussi bien que par le deuant, selon que l'occasion & la disposition des affaires le requiert, ce qui est en la discrétion des Capitaines & Commandeurs experimen euz.

AVEC PRIVILEGE DE LEMPEREUR DV ROY DE FRANCE ET DE Nobles & Puissans seigneurs, Messaigneurs les Estatz Generaux de les Proviuces Vnies.

Et est le contenu dudit Privilege tel que s'ensuyt.

Que nul de quelle qualite, ou condition quil soit, ne s'auance de contrefaire ce present liure du manient des armes, ny d'en vendre des contrefais ailleurs, en leurs Royaumes terres & seigneuries, dans le terme de huyt Ans prochainement venans, soit en grande, ou petite forme, entier, ou per portions, ny de fuyure l'ordre soit l'escriture ou des figures representées en ce Liure sans le consentement expres de Jacques de Gheyn, sur peine de confiscation, de tout ce que sera trouué ainsi contre fait, & de six mille florins d'amende par dessus, comme il est Plus aplain contenu aux letters originelis donnees etc. Anno. 1697.

MEMOIRE POUR LE LIBRAIRE

L.Enseignement par escrit est, comme aussi les figures, reparty en troys, comme les Harquebusés, Mousquetz et Piques et doibuent estre reliés en ceste sorte a sauoir l'enseygnement pour les Harquebusés deuant les figures d'icelles et les aultres a laduenant chacun deuant ses propres figures.

BRIEF ENSEIGNEMENT, SVR LES POVR TRAITZ FIGVREZ, TOVCHANT LE DROIT MA-

niement du Mousquet, pour les jeunes, & inexperimentez Soldatz, correspondant par nombres de chiffres sur chacune figure. Et comme il y a encore plusieurs portraitz pour Sentinelles, à fin de monstrier au Soldat, comme il se main tiendra avec le Mosquet, & la fourchette, estant tout apresté, ainsi s'accordent les preceptes, sur chacune figure selon leur nombre.

LE MOVSQVET.



Remierement, est enseigné a chaque Mousquetaire, comme il tiendra proprement le Mosquet, & la fourchette en marchant, à scavoir qu'ayant la fourchette en la main droite a chascun pas il la posera en terre & aura vn cordon atraché, pour la pouuoir trainer aubesoing, faisant venir le ressort ou la clef du Mousquet contre l'espaule, la main pres du trou du poulce, & la mesche qui doit estre allumée aux deux boutz entre les deux petis doigts de la mesme main, pendant par dedans l'affut vers bas, pour (a tout moment) la pouuoir alonger, & s'yder de l'un des boutz, en relaschant l'autre aura aussi par dessus le furniment ou les charges, vn puluerin avec lequel on force, pour dela seulement mettre la pouldre au bacinet.

2. Comme se voulant aprestier pour tirer, il tiendra la fourchette, à sauoir ioignant au Mosquet, en la main gauche, laissant passer la fourchette, de la longueur du fer, par dessus la main comme le monstre celle figure.

3. Comme voulant prendre le Mosquet dedessus l'espaule, il laissera couler quelque peu, la fourchette en sa main gauche, sans ayde de la droite, prendra legierement le Mosquet avec la main droite seule, a l'endroit du gros verin, pour ce qu'en cest endroit le Mosquet estant en balance ou contrepoix, c'en trouue plus legier, & le laissera vn peu baissier vers la main gauche, sans se plier le corps.

4. Comme il tiendra le Mosquet vers hault de la main droite seulement, pour le recevoir ioignant la fourchette, en la main gauche, en sorte quil ne laisse couler le Mosquet l'autre main, mais amenera la main gauche a la rencontre, & ioindra le Mosquet entre le poulce & la fourchette.

5. Comme il tiendra le Mousquet ioint a la fourchette, en la main gauche seule en contrepoix, quil ne soit trop hault en trop bas, ayant la main droite libre & mettra (pour plus grande fermeté) le coude contre la hanche, sans traier la fourchette, s'il n'est trop foible ou las.

6. Comme il prendra la mesche, bien & avec auantage, hors de la main gauche, avec le poulce, & le deuxieme doigt, tenant toujours le Mousquet en competente haulteur.

7. Comme il portera la mesche prise, avec le poulce, & le deuxieme doigt, vers la bouche, & la soufflera sans se trop baissier.

8. Comme il poussera la mesche, avec le poulce & le deuxieme doigt, sur le serpent, sans le serrer avec le verin, & a ceste fin tiendra le serpent ouuert à l'aduenant de la grosseur de la mesche.

9. Comme avec auantage, compassera la mesche, & la regira avec le poulce, & le duxieme doigt, a fin, qu'en vn instant, il la puisse faire longue, courte, haulte ou basse.

10. Comme il soufflera la mesche & couvrira le bacinet avec les deux doigts de deuant, craignant quil n'y tombe quelque escintelle de la mesche, & comme il ouurira ledit bacinet commodement.

11. Comme il mettra le Mousquet sur la fourchette, tenant le deuant hault mettant la jambe gauche deuant, & poussera la fourchette en auant pour (alors) eniouer.

12. Comme il eniouera bien, & tiendra le Mousquet & la fourchette de la main gauche, le bras droit soubz leuë, le corps contourné, le genou gauche plié, & le droit ferme, non seulement pour la bienfiance, mais aussi a fin que le Mousquet, puisse plus seurement estre tenu & deschargé, fault aussi prendre regard, que voulant eniouer (pour le faire avec grace) il couchera le Mousquet vn peu rudement, non contre l'espaule, mais contre la poitrine, & point auant que soit iointe la feue à l'affut, s'il n'a premierement mis le Mousquet contre la poitrine, d'autant qu'aultrement il n'y auroit nulle grace moins pourroit on tirer seurement, ainsi le plus souvent comme a la haste & à faulte.

13. Comme il poulsera quelque peu le Mousquet en auant, reprendra, la fourchette, & la tiendra ferme, en la main, ioinre au Mousquet sans la trainer s'il n'est trop foible, tenant tousiours le canon hault, pour n'ofenser personne si le Mousquet auoit failly,
14. Comme il otera proprement la mesche du serpent in, avec les mesmes doitz, dont il l'auoit mise dessus, sans la tirer, craignant de l'allaindre,
15. Comme il remettra la mesche, entre les doitz, dont il l'auoit prise, tenant tousiours le Mousquet en competente haulteur.
16. Comme il soufflera les estincelles, au cas qu'aucunes fussent demeurées au bacinet, de crainte que le puluerin ne saute en piedes, quand il voudra ramorcer, en quoy il se pourroit blesser lui mesme, & tiendra (pour gagner temps) le Puluerin prest en sa main droite
17. Comme il amorcera de son puluerin, & non de ses charges, d'autant que l'enbarraissement des charges, empescheroit fort, de tirer promptement,
18. Comme il fermera le bacinet avec le doigt de deuant, comme le monstre ce portraict.
19. Comme il secouera l'amorce de dessus la couuerture du bacinet, a fin que le Mousquet, ne se descharge à l'improuiste, lors quil compassera sa mesche,
20. Et pour plus grande seurte, il soufflera de rechief, à fin que par l'abondance, ne soit demeuré quelque chose, sur la dite couuerture.
21. Comme pour recharger il tournera le Mousquet & la fourchette, la conduisant à bas avec la main droite vers le costé gauche.
22. Comme ayant tourné le Mousquet, il le laissera couler, ioinquant le costé gauche, trainera la fourchette, & pour le faire proprement, la main droite aydera soudainement la gauche.
23. Comme il ouurira sa charge, avec le pouche, laissant trainer la fourchette, & tenant le Mousquet arriere de terre, s'il en a la force.
24. Comme il chargera le Mousquet des charges de sa bandoliere, laissant (pour encor) trainer la fourchette, & tenant le Mousquet esleue de terre, n'est trop foible.
25. Comme il tirera la baguette avec la main contournée, laissant trainer la fourchette & non le Mousquet.
26. Comme voulant prendre la baguette courte, l'ayant retournée, la poulsera contre le corps, glissant la main promptement vers le bout d'enbas, pour la pouuoir plus seurement fourrer dans le Mousquet, & s'il veult tirer a balle (il prendra la balle) de la main (dont il tient la baguette ainsi courte,) hors dela bouche, ou du lieu ou il les porte, & la laissera soudainement couler au Mousquet.
27. Comme il pressera, pouldre & balle avec la baguette, en son Mousquet, laissant encor trainer la fourchette, & point le Mousquet, s'il est en son pouuoir.
28. Comme il retirera la baguette avec la main contournée, hors du Mousquet, trainant la fourchette, & le Mousquet esleue de terre, s'il en la force.
29. Et pour reprendre la baguette courte, la poulsera aultrefois contre le corps comme il est dit cydeuant.
30. Comme ayant repris la baguette au bout d'enbas, il la remettra diligemment, & avec discretion, en sa place.
31. Comme voulant reprendre le Mousquet en la main, il l'aduancera avec la main gauche, comme ceste figure l'enseigne.
32. Comme il reprendra, en la main droite, le Mousquet prez du gros verrin, & la tiendra droit vers hault, poussant la fourchette qui traine encor) aussi loing que sera la corde, en auant, pour la faire retourner, avec auantage, en la main gauche.
33. Comme il remettra habilement, & d'vne main, le Mousquet sur l'espaule, & comme ce pendant il tiendra la fourchette.
34. Comme il tiendra & potera le Mousquet l'ayant remis sur l'espaule.

35. Comme estant en sentinelle, & se voulant apprester, il prendra comme dit est, son Mousquet d'une main de dessus l'espaule.

36. Comme se voulant aprester en sentinelle il mettra le Mousquet en la fourchette comme ceste figure le monstre.

37. Comme estant en sentinelle, il tiendra le Mousquet, sur la fourchette le bras droit esloigné, la main à la clef, & l'affut contre la hauche droite, comme se voidt par ce portrait.

38. Comme estant en sentinelle, il tiendra deuant soy, le Mousquet sur la fourchette, de sorte, qu'estant en balance, ou contrepois, il le regisse, de la main gauche seulement, ayant la droite libre, ainsi que ceste figure le represente.

39. Comme estant en sentinelle, il prendra la mesche bien, & avec auantage, hors de la main gauche avec le poulce. & le deuxieme doigt.

40. Comme en sentinelle, il portera la mesche, avec le poulce & le deuxieme doigt vers la bouche, la soufflera soubz la main, tenant pendant le Mousquet sur la fourchette en contrepois, avec la main gauche seulement,

41. Comme en sentinelle, il pressera la mesche sur le serpent, avec le poulce, & le deuxieme doigt, sans la serrer avec le verrin comme il a esté dit.

42. Comme en sentinelle, il regiera la mesche, avec le poulce & le deuxieme doigt, & la compassera avec auantage, tenant (comme dit est) le Mousquet en contrepois,

43. Comme en sentinelle pour estre prest au besoing, il aura la mesche au serpent, & couvrira le bacinet, de crainte des sentinelles.

Motz de Commandement.

Par lesquels les Capitains ordonnent de fuyte à leurs Soldatz, tout ce qu'ilz doivent faire, touchant, le Mousquet & la fourchette, & ces motz se fuyent accordans, par leur nombre sur chacune figure.

1. Marchez avec la fourchette en la main.
2. Marchez & portez la fourchette iointe au Mousquet.
3. Laissez baïsser ou couler la fourchette, & prenez le Mousquet de dessus l'espaule.
4. Tenez le Mousquet hault de la main droite & le laissez couler en la main gauche.
5. Prenez le Mousquet en la main gauche & portez la fourchette iointe au Mousquet.
6. Prenez la mesche en la main droite.
7. Soufflez la mesche & la tenez bien.
8. Mettez la mesche sur le serpent.
9. Essayez, ou compassiez la mesche.
10. Soufflez la mesche, & ouures le bacinet.
11. Tenez le Mousquet, & entourez.
12. Tirez.
13. Reprenez le Mousquet, & le portez, ioint à la fourchette.
14. Reprenez la mesche.
15. Et la remettez entre les doigts.
16. Soufflez le bacinet.
17. Amorcez.
18. Fermez le bacinet.
19. Secouez le bacinet.
20. Soufflez le bacinet.
21. Tournez le Mousquet, &

22. Trainez la fourchette.
23. Ouures vostre charge.
24. Chargez le Mousquet.
25. Tirez la baguette.
26. Prenez la baguette contre.
27. Bourrez, ou pressez la pouldre.
28. Retirez la baguette, hors du Mousquet.
29. Prenez la baguette courte.
30. Remettez la baguette.
31. Ramenez le Mousquet en deuant, avec la main gauche, &
32. Tenez le Mousquet droit, avec la main dextre, & reprenez la fourchette.
33. Mettez le Mousquet sur l'espaule.
34. Marchez & portez la fourchette iointe au Mousquet.
35. Prenez le Mousquet de dessus l'espaule.
36. Mettez le Mousquet, en la fourchette.
37. Tenez le Mousquet sur la fourchette.
38. Tenez le Mousquet, sur la fourchette, en contrepois, de la main gauche seulement.
39. Prenez la mesche en la main droite.
40. Soufflez la mesche.
41. Mettez la mesche serpent.
42. Essayez ou compas la mesche.
43. Couures le bacinet, & vous tenez prest.

Commandement general.

Tenez le Canon hault.

Ci dessus tout commandeur doit auoir soigneux regards, sur ses Soldats, & les accoustumer à tenir tousiours le canon hault, pour euer tous inconueniens.

AVX AMATEVRS DV MANIEMENT DES ARMES IAQVES DE GHEYN DESIRE SALVT ET PROSPERITE.



'Est chose hors de doubte, que le repos d'une Republicque, ne peult subsister sans les armes, n'y les armes, sans exercice. Ce que non seulement à este tresbien remarqué par les sages anciens, qui se sont efforcez d'en donner des exemples d'institutions & loix; mais aussi approuvé par experience es-
sée de des villes & peuples plus celebres, qui ont conservé leur Estat; speciallement par ces moyens, voires regardant les Histories de tout le Monde univèrsel, on trouvera que la domination, & auctorité, a tousiours esté vers ceulx, qui (en cecy) ont le plus surpassé leurs voysons, les Grex, du temps de leur plus grande splendeur ont print esté partie fort à coeur, & par leur subtilité n'ont point peitirement aduancé. Et les Romeyns y ont sur passé & ceulx cy, & tous aultres de beaucoup, faisant fort constamment & continuellement exercer leur jeunesse, en l'usage de toutes sortes d'armes, par ceulx quilz nommoient *Campidoctores*, ou maistres de Camp, ainsi que se voidt clairement, par les escriptz, qui nous sont demorez d'eulx, les mesmes raisons durent tousiours, & envers tous. Mais comme les armes se changent fort no aiment de pais l'invention de la pouldre a canon, ainsi les vieux recitz ne nous peuvent servir sans nouveaux en seignement. L'Excellence du Prince M A V R I C E de Nassau, &c. au soing duquel est commise (par les trespuissants Seigneurs les Estats generaux des Provinces unies) la conservation de si puissant estat, & la conduite d'une guerre, qui a esté tenue & réputée comme vne escole de tout le monde, à relevé, enbelly, & melioré tout l'ordre de la guerre (fort a bastardy auont son temps) partie suyuant les Reigles des anciens, partie de sa propre invention, prenaut tressoigneux regardt, sur le maniemment des armes comme estant vne tresimportante partie de l'ordre de la guerre, dequoy se sont ensuyvis, les fruitz congneuz non seulement en ces Pays, mais aux plus eslongées parties de la terre.

C'est l'occasion qui m'a mené, de mettre en lumiere par figures (comme la plus sortable representation) l'ordre que son Ex fait observer au maniemment de l'*Harquebuse*, *Mousquet*, & *Picque*, tant pour en accommoder ceulx qui font profession, de suyvre ledit ordre, eomme pour faire participans tous aultres, en instruction tant necessaire, ayant a celle fin, représenté esdites figures la patron de tout ce que vient a point au maniemment, & usage de chacune sorte d'armes, par parties s'entresuyvantes, avec les raisons requises, & esclairey les motz ordinaires de commandement. Oeuure (comme ie pense & n'en doubte point) fort propre pour jeunes, & nouveaux Soldatz ausquels est convenable de s'exercer; siongneusement, tresnecessaire à tous Capiraines, & Commendeurs, pourtant mieux, & plus curieusement prendre garde à l'exercice de leurs Soldats, trescommode à tous Princes & peuples, soit en temps de guerre, pour se conserver, & endommager leurs ennemis, ou en temps de paix, pour par tel exercice estre plus à repos, & plus reitoubrez & formidables aux aultres. Comme donc nostre intention ne passe point plus avant, que pour enseigner les Soldatz inexperimentez, & renforcer, par inspection & lecon la memoire de ceulx qui sont desia expres, ainsi personne ne trouvera estrange, qu'en la representation des Piques, nous n'y auons mis aultre chose, que ce, que (pour l'usage dicelles) semble estre le plus necessaire à la guerre, passant par dessus beaucoup de facon, que si practiquent, par maniere de passer temps, & ne seruent de guerres, en l'exercice militaire. En ce que touche la difference, ou ressemblance des habits, & armes de ces figures, il fault scavoir, que les Harquebusiers y sont representez avec morions, & les Mousquettraires avec des chapeaux, & vestuz diversement, non point que cela soit necessaire, mais pour enbellir les portraitz par ceste variéte, & pour faire voir la facon des habilemens des gens de guerre de ce temps, à ceulx qui viendront apres nous, comme d'aultre part, que les Piquiers sont armez tous d'une sorte d'armes, n'est pour aultre raison, que pour monstrier la facon des armes, que son Ex. fait porter aux gardes de son corps. Vous remarquerez aussi aux Harquebusiers & Mousquettraires, que la premiere figure demonstre, comme on tiendra sur l'espaule l'Harquebuse ou Mousquet desia chargé, & les suyvantes, ce que depuis doit estre fait, jusques à avoir tiré & consequamment jusques à avoir rechargé aussi pour monstrier, comme chacun (au besoin) estant ferme, & debout, se doit contenir, & en la dernière figure, de chaque sorte, la maniere de tenir sentinelle, remarquant deuant toute chose, que ce que cecy semble aller avec longueur, pour ce que la representation n'ayant peu se faire, que par petites parcelles, le jeune Soldat, doit, par longexercice, s'accoustumer, à faire le tout promptement, & neantmoins avec bien seance, & prevoyance, pour endommager l'ennemy & se conserver, ensemble ses compaignons. Le surplus se enseignera par la demonstration escripte & la figure.

BRIEF ENSEIGNEMENT : SVR LA REPRESENTATION DES FIGVRES, DV DROIL MANIEMENT DE l'Harquebuse , pour les Jeunes & inexperimentz Harquebusiers , qui corresponde par nombres d'Aritmetique , de l'enseignement aux figures , & comme il y a jointement quelques figures , pour monstrier, comme le Soldat se tiendra en sentinelle, en temps necessaire, avec l'Harquebuse toute preste, chacune figures accorde, a la demonstration escrire , suyuant son nombre.

L'HARQVEBUSE.

R Npremier lieu, est monstrier achacun Harquebusier, en ceste figure, comme il se tiendra ferme debout, ou marchera, ensemble comme il tiendra, & portera ses armes, a sauoir, l'Harquebuse, la mesche, & l'espée, notamment, il iointra l'Harquebuse avec clef, ou le ressort, contre l'espaule, & la tiendra de la main gauche, non au bout de l'afut, mais enuiron le trou ou fente du poulce, portant tousiours en derriere le canon hault, afin que (si l'Harquebuse se deschargeoit inopinément) il ne portast dommage, a ses compaignons, & portera la mesche, allumée aux deux boutz, entre les deux plus peitz doigtz de la mesme main, pendant vers bas, par le dedens de l'afut, pour la pouuoir a longer a toute heure, l'un de boutz pour en employer l'autre & le changer, Portera aussi tousiours par dessus son furniment, ou charges, vn puluerin furny d'amorce, pour de la, & non du furniment au charges, amorcer l'Harquebuse.

2. Comme en sauanceant, quant il s'apprestera pour tirer, il prendra, l'Harquebuse de dessus l'espaule, ce quil ne fera point de la main gauche, mais seulement de la droite (comme le demonstre ceste figure) derriere le grand verrin, pource que l'Harquebuse a cause du contrepois, en est plus legiere, & ainsi la prendra d'une main en sorte qu'on voye quil la peult aysement soustenir vn peu baissier en la main gauche, sans plier ny tourner le corps vers la.

3. Comme il regira, & tiendra l'Arquebuse, auant quil la prenne en la main gauche, a sauoir, il tiendra l'Harquebuse de la main droite, droit, vers hault, en contrepois, sans toucher au corps, & tiendra la main gauche preste pour rencontrer & recevoir l'Harquebuse.

4. Comme ayant l'Harquebuse en la main gauche, demeurant ferme ou en sauanceant, il la portera non seulement legerement & bien, mais aussi en contrepois, en la mesme main, quelle ne soit trop haulte, ou trop basse, de crainte que se dechargeant, à l'improuiste, elle n'offense ses compaignons, & Pour la legerete, & fermite tiendra le coude contre la hauche ain si que le monstre ceste figure.

5. Comme il prendra bien, & avec auantage, la mesche hors de la main gauche avec le poulce, & le deuxieme doigt, tenant tousiours l'Harquebuse en competente haulteur, tant pour la legierete, comme pour n'offenser inopinément son compaignon. Et ores quil soit dit en general (pour quelque raison) de prendre la mesche avec le poulce & le deuxieme doigt, ce n'est toutesfois point inferer que chacun soit tenu d'en user precedement ainsi, sans qu'on la puisse prendre avec le poulce & les deux doigtz de deuant, si on y trouue de la commodite.

6. Comme il soufflera la mesche, & la tiendra bien entre le poulce & le deuxieme doigt, auant quil la mette sur le serpent, à sauoir quil portera proprement la mesche vers sa bouche, & la soufflera soubz la main, sans pour ce faire, se baissier par trop, comme il est icy representé.

7. Comme il pressera la mesche, sur le serpent, avec le poulce & le deuxieme doigt, sans la ferrer, avec le verrin, pour ne predre temps, pourquoy faire, il tiendra le serpent ouuert, à l'aduenant de la grosseur de sa mesche, afin qu'ainsi, il s'appreste, & tire plus promptement.

8. Comme avec auantage, il compassera la mesche avec le Poulce & le deuxieme doigt, & comme il la regira, a fin qu'en vn moment, il la puisse faire longue, courte, basse, ou haulte, & ainsi l'approprier, afin que l'Harquebuse, ne faille à descharger.

9. Comme tout a vn instant, il soufflera bien, & soudainement, la mesche, & layant soufflée, bieu, avec les bras ouueres, des deux doigtz de deuant, il courra le bacinet, de crainte des estincelles, & comme il l'ouurira, sans pour ce se baissier portant l'Harquebuse proprement vers la bouche, comme ceste figure l'enseigne.

10. Comme il eniuera de hault vers le bas & non de bas vers le hault, pour n'endommager son compaignon de deuant luy, si l'Harquebuse se deschargeoit à l'improuiste, afin aussi que la balle ne roulle dehors, d'autant, qu'estant hasté on ne la peult tousiours ferrer avec la bourre,

11. Comme

11. Comme il apofera l'Harquebuse contre fa poitrine, en jouera, baiffera la tefte, haulfera le coul droit, & tiendra le corps droit en ferme, & pour ne mettre l'Harquebuse contre l'efpaule, ains contre la poitrine, fe difpofera le corps à l'aduenant, enſemble tiendra la jambe gauche (qui doit eſtre pliee) en ayant & la droite tiendra ferme, en arriere, afin de regit l'Harquebuse l'enjouer & tirer plus ſeuement,

12. Ayant tiré, il prendra l'Harquebuse proprement, ariere de la joue & tiendra le canon hault, afin que ſi l'Harquebuse auoit failly il n'oſenſe ſes compaignons.

13. Oſtera du ſerpentin, la meſche, avec diſcretion, de crainte de l'eſteindre & ce avec les meſmes doigts dont il ly auoit miſe, ſans la tirer.

14. Comme il remettra la meſche entre les doigts. d'ou (pour s'apreſter) il l'auoit priſe, tenant touſiours le canon hault.

15. Comme il ſoufflera au bacinet, eſtant encor ouuert & ayant tiré, à fin que ſ'il y eſtoit (par hazard) demeure queque eſtincelle, le puluerin ne ſaule & porte dommoſe à luy meſme, a preſtant, ce pendant le puluerin pour gaigner temps.

16. Comme il mettra l'amorce, au bacinet, avec le puluerin, & non de ſon furnement ou charges, pour ne perdre temps, par l'embarasſement deſdites charges, ou autrement, tenant le canon hault, pour les raiſons prediſtes.

17. Comme il fermera le bacinet, avec le doigt de deuant, comme ceſte figure le monſtre.

18. Puis ſecouera la pouldre, ſi d'aduenture il en eſtoit demeuré ſur la couuerture du bacinet, afin qu'a propriant la meſche l'Harquebuse ne ſe deſcharge a l'improuiſte.

19. Et non obſtant quil ayt ſecoué la pouldre, il ſoufflera de rechef, pour plus de ſeurete.

20. Voulant recharger de nouueau il tournera l'Arquebuse de la main gauche, & pour ce faire avec bien ſeance, il la conduira de la main droite vers le coſte gauche.

21. Comme il laiſſera ſoules l'Harquebuse, joingnant le coſte gauche, & de la main droite ſe faiſera du furniment, ou de la charge de la bandoliere.

22. Comme il ouuira la charge de ſon furniment, & ſ'il porte vne bandoliere, ſe conduira comme il monſtré pour les Muſquetiers.

23. Comme il mettra la charge de pouldre de ſon furniment en l'Harquebuse, la tenant ariere de terre, ſ'il a la force pour ce faire.

24. Comme il tirera ſa baguette, avec la main cõtournée, & tiendra l'Harquebuse ariere de terre, comme le demonſtre ce pourtrait.

25. Comme voulant prendre la baguette courte, l'ayant tournée la pouſſera contre le corps, & gliffiera ſoudainement, la main vers le bout d'enbas, pour la mettre plus ſeuement en l'Harquebuse. Et au cas quil veuille tirer aballe, il prendra ſoudain la balle, de la main dont il tiendra ſa baguette ainſi courte, hors de ſa bouche ou du lieu ou il les ſerie, & la coulera en l'Arquebuse.

26. Puis ſerrera pouldre, & balle avec la baguette, renant touſiours l'Harquebuse hault de terre, comme ſe voit par ceſte figure.

27. Comme il retirera la baguette, avec la main contournée, tenant l'Harquebuse arriere de terre.

28. Et pour reprendre la baguette courte, la pouſſera contre le corps ainſi quil eſt dit cydeuant.

29. Comme ayant pris la baguette tout au bout, il la remettra ſoudainement, & avec adreſſe, en ſa place en l'affut.

30. Comme voulant de rechef empoigner l'Harquebuse de la main droite, il la portera premierement en auant, comme ce voidt par ceſte figure.

31. Comme il tiendra l'Harquebuse en la main droite vers bas, ou gros verrin, & touſiours le canon hault eſtant preſt de la remettre ſur l'efpaule.

32. Comme il remettra l'Harquebuse d'une ſeule main ſur l'efpaule, eſtant de l'autre main preſt de la tenir bien.

33. Comme ayant l'Harquebuse sur l'espaule, il la tiendra & portera en couformite de ce qui est dit en la premiere figure.
34. Comme estant en sentinelle, & se voulant aprestre, il prendra l'Harquebuse d'une main de dessus l'espaule comme il est dit.
35. Comme en sentinelle ayant prins l'Harquebuse de dessus l'espaule il la receura en la main gauche.
36. Comme en sentinelle ayant l'Harquebuse en la main gauche il tiendra le bras droit esloigné, la main au ressort, ou a la clef & l'affut contre la hauche droite, comme le monstre ce portaißt.
37. Comme en sentinelle il tiendra bien l'Harquebuse en la main gauche en contrepoix, & la regira, ayant la main droite libre.
38. Comme en sentinelle, il prendra bien & avec advantage, la mesche hors de la main gauche, avec le pouce & le deuxieme doigt.
39. Comme encor en sentinelle, il portera la mesche avec le pouce & le deuxieme doigt vers la bouche, la soufflera soubz la main, tenant ce pendant de la seule main gauche l'Harquebuse en contrepoix.
40. Comme estant en sentinelle, il pressera la mesche sur le serpent, avec le pouce, & le deuxieme doigt, sans la serrer avec le vein comme il a este dit.
41. Comme estant en sentinelle, il compassera la mesche & la conduira avec le pouce & le deuxieme doigt a son auantage.
42. Comme estant en sentinelle, pour estre prest au besoing, ayant posé la mesche au serpent, il tiendra le bacinet couuert, de crainte des estincelles.

Motz de Commandement.

Desquels les Capitaines doibuent user, pour montrer de sulte à leurs Soldatz tout ce qui depend du maniemment de l'Harquebuse, & ces motz s'entresuyuent en accordant sur chacune figure.

- | | |
|---|--|
| 1. Tenez bien l'Harquebuse sur l'espaule, & marchez | 23. Charges l'Harquebuse. |
| 2. Prenez l'Harquebuse de dessus l'espaule. | 24. Tirez la baguette. |
| 3. Et la tenez en la main droite vers hault. | 25. Prennez la buguette courte. |
| 4. Prenez l'Harquebuse en la main gauche. | 26. Pressez ou bourrez la pouldre. |
| 5. Prenez la mesche en la main droite. | 27. Reires la baguette hors de l'Harquebuse. |
| 6. Soufflez la mesche & la tenez bien. | 28. Et la tenez court. |
| 7. Serrez la mesche au serpent | 29. Remettez la baguette. |
| 8. Adressez ou compassiez la mesche. | 30. Amenez l'Harquebuse en auant dela main gauche. |
| 9. Soufflez la mesche & ouurez le bacinet. | 31. Et la tenez droite ou vers le hault de la main droite. |
| 10. En-louez. | 32. Mertez l'Harquebuse sur le paule. |
| 11. Tirez. | 33. Tenez bien l'Harquebuse sur l'espaule, & marchez vers la sentinelle. |
| 12. Ostes l'Arquebuse, & la tienez bien dela main gauche. | 34. Prenez l'Harquebuse de dessus l'espaule. |
| 13. Ostes la mesche. | 35. Et la laissez couler ou descendre en la main gauche. |
| 14. Et la remettez entre les doigta. | 36. Tenez bien l'Harquebuse. |
| 15. Soufflez le bacinet. | 37. Tenez l'Harquebuse en la main gauche seulement. |
| 16. Amorcez. | 38. Prenez la mesche en la main droite. |
| 17. Serrez le bacinet. | 39. Soufflez la mesche. |
| 18. Secouez le bacinet. | 40. Pressez la mesche au serpent. |
| 19. Soufflez le bacinet. | 41. Compassiez la mesche. |
| 20. Tournez l'Arquebuse. | 42. Couurez le bacinet, & vous tenez prest. |
| 21. Et la laissez couler ioignant le coste gauche. | |
| 22. Ouurez la charge. | |

Commandement general.

Tenez le Canon hault.

Il est besoing voires tresnecessaire que les Capitaines prennent soigneux regardt, d'accoustumer leurs Soldats, à tenir tousiours le canon de l'Harquebuse hault, pour euitier tous inconueniens.



W. Heijn. m.



























































































Heijjn in




























































































































































































































































17

17

17

17